



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. I. Gratiæ interiori aliquandó resisti ostenditur ex lapsu S. Petri.

urn:nbn:de:hbz:466:1-39351

302 LIBER TERTIUS

perrumpat. Ità victrix, supra voluntatis arbitrium
ut non raro dicat (Aug.) hominem operanti Deo
per gratiam non posse resistere. &c.

C A P U T II.

Secunda Ianseniana in quo à Sancto Au-
gustino revicta monstratur.

S E C T I O P R I M A.

Gratiæ interiori aliquando resisti osten-
ditur ex lapsu Apostoli Petri.

S. Augusti.
Epist. 120.

De Grat. &
lib. arb.
cap. 17.

Tract. 92.
in Ioan.

Petrus ex egregio præsumptore tam creber nega-
tor effectus, ut loquitur S. Augustinus, cum
putavit se posse quod se velle sentiebat, procul-
dubio Christi gratiam habuit, quia Charitate
non caruit; Quamvis parva & imperfecta non de-
cerat, quando dicebat Domino: Animam meam pono
pro te. Et quis istam et si parvam dare cuperat Cha-
ritatem, nisi ille qui præparat voluntatem & coope-
rando perficit quod operando incipit? Quoniam ipse
ut Velimus operatur incipiens, qui volentibus coo-
peratur perficiens. Deseruit aliquantum Deus
unde superbiebat; & unde superbiebat gratiæ
resistebat. Plenam non habuit robustamque
voluntatem, quandò anillæ interrogatione
perterritus non potuit verum Testimonium perhi-
bère. Secutus est passurum, sed tunc non potuit
(plenè) sequi passurus.

Neque eum omnis Christi grrtia destituit, dum
Christum negavit Nam si Christum non amasset non
negasset in ritus. Verum si amplius non amasset, non
alii

DE PROPOSITIONE II. 303

aliquatenus negasset . . . aut negare , aut mori necesse erat. Mori timens negavit , negare nolebat , sed magis S. Bern. de
nolebat mori. Itaque initus quidem sed negavit ta- grat. & lib.
men , ne moreretur . . . lingua mota est contra vo- arb. c.9.
luntatem , sed numquid & mutata voluntas ? Quid enim volebat ? Prorsus quoderat , Christi esse Disci-
pulus. Quid loquebatur ? Non novi hominem. Cur ita ?
Mortem evadere volebat. Sed quid istud Criminis
fuit ? Duas Apostoli tenemus voluntates. Unam quā
voluit non mori penitus inculpabilem. Alteram &
multum laudabilem quā sibi complacebat quod esset
Christianus. In quo ergo culpatur ? An in eo quod
mentiri quam mori maluit ? Hæc plane voluntas repre-
hensione digna fuit , quia Corporis magis quam ani-
ma voluit servare vitam . . . & peccavit ergo & non
absque consensu propria voluntatis , infirmæ quidem
& misera sed plane liberæ. Peccavit autem non sper-
nendo aut odiendo Christum , sed se nimis aman-
do. Nec in hunc perversem amorem sui metus ille
subitus compulit , sed esse convicit . . . Quatenus er-
go Christum diligebat. Vim prorsus (quod negan-
dum non est) passa est illa voluntas ut contra se lo-
queretur : Quatenus vero se amabat , voluntariè
procul dubio consensit , ut pro se loqueretur.

Inerat ergò Petro gratia , inerat & mutabi-
litas quā posset in temptatione nutare. Et non
ita perseverantiae fuerat virtute solidatus , ut
nullis periculis esset obnoxius. Siquidem tam
gravis eum perturbatio concusserat , ut in Cai- S. Prosper
phæ domo unius ancillæ interrogatione pænitus de Vocab.
usque ad trinam negationem Christi (cui moritu- Gent. c.28.
rum se spönderat) constantiâ deficiente perductus
sit. Sicur Petrus ergò gratiæ restitit , sicut amo-
rem Christi amore sui superavit , ita & alii sæpè
resistunt & cadunt , deserunt & aliquando dese-
runtur. Alioquin nemo unus fidelium recessisset à
fide , neminem concupiscentia vinceret , neminem
tristi-

304 LIBER TERTIUS

Serm. 124.
de tempore.

tristitia elideret, neminem iracundia debellaret, nullius Charitas refrigericeret, nullius patientia frangeretur, & collatam sibi gratiam nemo negligeret.

Tra⁷. 72.
in Iean.

Dices: Augustinus variis locis docet S. Petrum, dum Christum negavit, fuisse gratiâ desertum: *Quid est homo sine gratia*, inquit, *nisi quod fuit Petrus cum negaret Christum?* Et, non impulit ad negandum, sed desertum reliquit; ut suam intelligereret imbecillitatem. Unde etiam addidit idem Doctor, *Petrum non potuisse confiteri Christum*: & quod plus ausus erat, *quam ejus capacitas sustinebat*. Igitur gratiæ non restitit, utpote quam caruit.

Resp. Petro quidem defuisse potentissimam & efficacissimas vires præbentem, seu Victricem defuisse gratiam, sed non omnem; nam si nullam habuisset, secum in illâ temptatione non pugnasset, & non invitus Dominum negasset. Non habuit quidem potentiam proximam & expeditam, quæ omnia ad actum inferendum desiderata complectitur; sed habuit potentiam remotam, quam nimis sui amore & timore mortis enervem reddit. Solet autem Augustinus *per posse* intelligere plenum *posse*, quod non solum tribuit bonæ voluntatis affectum, sed etiam actionis effectum, signanter dum causam gratiæ defensat contra Pelagianos afferentes ad velle & agere sine Dei gratia haberi plenum posse.



SEC-